

Visoki predstavnik i specijalni predstavnik EU sastao se sa članom Predsjedništva BiH Nebojšom Radmanovićem



Visoki predstavnik i specijalni predstavnik EU Miroslav Lajčák danas se u Sarajevu sastao sa Nebojšom Radmanovićem, članom Predsjedništva BiH i predsjednikom Izvršnog odbora SNSD-a.

Visoki predstavnik i specijalni predstavnik EU Lajčák i član Predsjedništva Radmanović razgovarali su o pomacima koje BiH čini u realizaciji pet ciljeva i dva uslova koje je postavilo Vijeće za implementaciju mira za tranziciju OHR-a u EUSR.

“Potrebni su dodatni politički naponi da bi se našlo rješenje za pitanje državne imovine”, rekao je visoki predstavnik i specijalni predstavnik EU Lajčák, pozivajući lidere da nastave aktivnosti na temeljima principa koje je definirala Komisija za raspodjelu državne imovine u oktobru prošle godine. “Pet ciljeva i dva uslova koje je postavilo Vijeće za implementaciju mira moraju se u potpunosti realizirati da bi došlo do tranzicije OHR-a u EUSR”, rekao je visoki predstavnik i specijalni predstavnik EU Lajčák.

Visoki predstavnik i specijalni predstavnik EU također je pozvao da se načine pomaci po pitanju realizacije uslova iz Evropskog partnerstva, koji su “od suštinskog značaja za evropsku integraciju i unapređenje poslovnog okruženja”.

Visoki predstavnik i specijalni predstavnik EU Lajčák i član Predsjedništva BiH Radmanović su se složili da bi sastanak lidera šest vladajućih stranaka u BiH bio od koristi da se osigura da ova zemlja bude spremna za nove pomake na jesen. Obojica su podržali održavanje ovakvog sastanka prije kraja avgusta.